

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2237 del 18/08/2021

Traduzione in cimbrio

Euregio, a fotografik konkors vor in kalandardjo 2022

An åndra bòtta dar Euregio Tirol-Sudtirol-Trentino vorst in fotografe nèt profesionistn zo venna di pestn fotografian von Euregio vor in kalandardjo 2022. Von pildar boda zoang di auzseng afte sèlln vo arkitetùr un redjonàl kultur sin afte sèlln boda zoang eppaz uantze von lentar: berda nimp toal mage abenemmen bazzez bill. Dar haup tema steat allz umaz dar sèll von varm von viar stadjongen. Di pestn pildar bartn khemmen auzgètt affon naüge kalandardjo von Euregio, boda bart soin gemacht saiz zo henga afte maur, saiz zo lega affon tisch.

Di prais boda khemmen gètt soin: a tschèrm Euregio automatisch pitt hoacha qualitét un a heft “Agenda Euregio” pinn design Euregio. Di prais bartn khemmen gètt in gebinnar, un di pildar bartn khemmen genützt azpe vorsait pilt, haupsait pilt von månat odar vor an collage pitt alln in pildar. Darzuar barta khemmen darkhennt a sait von kalandardjo von Euregio 2022 in gebinnar von konkors.

Alle di pürgar un di pürgaren von Euregio Tirol-Südtirol-Trentino mang nemmen toal in konkors. Ma mage schikhan sin atz viar fotografian vor aniaglana djarzait (in gântzan 16 fotografian) dar euregio vorst darzuar zo schikha di pildar daz hötrarste boz iz möglich, un legante darzuar informatziongen von sèll boma sek in pilt un eppaz von kunstlar.

Ma mage nemmen toal sin atz 12 von herbestmånat 2021 gianate affon link www.euregio.info/concorso

Übarsetzt von Schaltarle vor di zung von Toalkamou vodar Zimbar Hoachebene

(Traduzione a cura dello Sportello linguistico della Magnifica Comunità degli Altipiani Cimbri)

(cdt)